

**PEMBERITAHUAN PERTANYAAN DEWAN RAKYAT**

**PERTANYAAN** : **LISAN**

**DARIPADA** : **TUAN AHMAD MARZUK BIN SHAARY**  
**[BACHOK]**

**TARIKH** : **10 MAC 2015 (SELASA)**

**SOALAN** : **Tuan Ahmad Marzuk bin Shaary**  
**[Bachok]** minta **MENTERI PERTANIAN**  
**DAN INDUSTRI ASAS TANI** menyatakan  
apakah perancangan terkini pihak  
Kementerian dalam memastikan kawasan  
tanah pertanian terbiar di Bachok  
diusahakan dengan tanaman yang boleh  
menjana ekonomi petani dan membawa  
pulangan pendapatan yang lumayan.  
Berapakah keluasan tanah pertanian yang  
terbiar di Bachok.

**JAWAPAN:**

**Tuan Yang Dipertua,**

Pada tahun 2014, Kementerian Pertanian dan Industri Asas Tani (MOA) telah mengenal pasti terdapat 653.33 hektar tanah terbiar di Bachok, Kelantan. Daripada keluasan tersebut, seluas 95.93 hektar tanah terbiar telah dibangunkan pada tahun 2014 yang melibatkan peruntukan sebanyak RM288,175.00 di Bachok, Kelantan oleh Jabatan Pertanian (DOA), Lembaga Kemajuan Pertanian Kemubu (KADA) dan Lembaga Perindustrian Nanas Malaysia (LPNM) melalui program-program sedia ada Jabatan/ Agensi.

7

BIL.	JABATAN / AGENSI	NAMA PROGRAM	JENIS AKTIVITI PERTANIAN	LUAS (HA)	PERUNTUKAN (RM)
1	DOA	Projek Kawasan Tumpuan Pembangunan Pertanian (ACDA)	Tembikai Tanpa Biji	5.00	100,000.00
			Tanaman Sayuran	5.00	100,000.00
2	KADA	Program Pengairan Padi	Padi	75.00	8,000.00
3	LPNM	Projek Penanaman Nanas	Nanas	10.93	80,175.00
<b>JUMLAH</b>				<b>95.93</b>	<b>288,175.00</b>

Salah satu inisiatif Kementerian dalam meningkatkan hasil pertanian adalah melalui pembangunan tanah terbiar seperti yang telah digariskan dalam Pelan Transformasi Pertanian (ATP). Sehingga Februari 2015, seramai 5 petani dari Kg. Pauh Jabit, Bachok telah memohon untuk menyertai Projek Pembangunan Tanah Terbiar yang melibatkan kawasan seluas 5 hektar untuk dibangunkan dengan tanaman sayuran. Selain itu, pepadanan antara pengusaha dengan pemilik tanah terbiar juga dijalankan bagi membangunkan tanah terbiar tersebut melalui Pejabat Pertanian Jajahan Bachok.

Pembangunan tanah terbiar di Jajahan Bachok dan juga di negeri-negeri lain akan terus dilaksanakan di bawah inisiatif ini seiring dengan matlamat Pelan Transformasi Pertanian dan Dasar Agromakanan Negara.